

von Wulf Wager

## Heilige Drei Königinna



Manchmol frog i mi, wie wohl die Weltgeschichte verlaufa wär, wenn statt de Männer d' Fraua die Protagonischtinna gwää wärat.

Was zom Beispiel, wenn es drei Heilige KönigInna gwää wärat, statt drei männliche Ausgabe? Ganz logisch:

1. sie hättat noch em Weg gfrog.

2. sie wärat pünktlich a'komma

3. sie hättat bei dr Geburt gholfa

4. sie hättat da Stall sauber gmacht

5. sie hättat sinnvolle Gschenkla mitbrocht ond au ebbes zom essa

Aber ... uf dr Hoimreis hättat se nadierlich den Bsuauch ordentlich durchg'hächelt:

1. Hennr dia Sandala gsäha, die d' Maria zur Tunica trägt?

2. Mr sait jo, dr Josef sei arbeitslos...

3. Wie haltat die des mit äll dene Viecher em Haus ibrhaupts aus?

4. Mol seha, wann mir die Schale zrück kriegat, wo mr die Lensa mit Schbätzla mitbrocht hend?

5. Der Kloine sieht em Josef garnet ähnlich!

6. Hennr die gammelige Gäschte mit denen Viecher gsäah?

7: "Jongfrau?", Dass i net lach. I kenn d' Maria no von friher..

In dem Senn: Fraua an die Macht.

Bis näggschd Woch

Ihr

WulfWager

Alle Kolumna zom Nochlesa

onder: [www.woascht.de](http://www.woascht.de) oder em facebook